



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Postboks 1005 • 3900 Nuuk.

Kommuneqarfik Sermersuumi anartarfilerinermut malittarisassaq

Imarisai

1	Siunertaq.....	3
2	Inatsisitigut tunngavik.....	3
3	Atuuffissaa	3
4	Nassuiaatit	3
5	Illumik piginnittup pisussaaffii	4
6	Anartarfiit imaasa aniatinneqartarneri	4
7	Kuuffinnut atassusiineq.....	4
8	Anartarfilerisarnerup aaqqissuunneqarnera	4
9	Tankit katersuiviit	5
10	Akiliut	6
11	Nakkutillineq.....	7
12	Unioqqutitsineq	7
13	Naammagittaalliorneq.....	8
14	Piginnaatitsissut	8
15	Atortuulersinnera.....	8

1 Siunertaq

Kommuneqarfik Sermersuumi illoqarfiit nunaqarfiillu immikkoortuini pilersaaruteqarfiusut iluini anartarfiit peerneqartarnissaat pillugit aalajangersakkat malittarisassami aalajangersarneqarput.

Kommuneqarfik Sermersuumi illunit atukkanit inuutissarsiortuniillu anartarfiit eqqiluisaarluinnarnikkut aammalu avatangiisinut illersuinermut paasinnilluartumik attanneqarsinnaasumillu tunngavilimmik peerneqartarnissaasa qulakkeernissaat malittarisassami siunertaavoq.

Malittarisassami kommunimi innuttaasunut, illunik piginnittut suliffeqarfiillu pisussaaffii pisinnaasaalu aalajangersarneqarput.

2 Inatsisitigut tunngavik

Malittarisassaq una makku naapertorlugit sananeqarpoq:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq

3 Atuuffissaa

3.1 Malittarisassaq una Kommuneqarfik Sermersuumi sumiiffinnilu kommunip pilersaaruserfigisimasaani illoqarfiit nunaqarfiillu killeqarfiisa iluini atuuppoq

Malittarisassaq Ivittuuni Kangilinnguanilu atuutinngilaq. Ivittuuni Kangilinnguanilu eqqagassalerineq aamma eqqakkanik eqqaaneq Grønlands Kommandop aamma Kommuneqarfik Sermersuup akornanni isumaqatigiisummut tapiliussami/suleqatigiinnissamut isumaqatigiisummi iluarsisaapput.

3.2 Malittarisassami uani pineqarput ineqarfiusut tamarmik, suliffeqarfiit, peqatigiiffiit sammisassaqartitsinermilu aaqjissuisut inunnik katersuutititsigallartut aammalu nunaminertat illuliorfigineqarsimangitsut annertunerusunik sammisqaqartitsiviusinnaasut.

3.3 Malittarisassami pineqarput anartarfilerineq.

Anartarfilerinermi anartarfiit imaat aamma imermik errortuivikoq pineqaraangata perusersartarfimmit errortuivikut suulluunniit pineqarput.

4 Nassuiaatit

4.1 Anartarfilerinermi anartarfiit imaat aamma imermik errortuivikoq pineqaraangata perusersartarfimmit errortuivikut suulluunniit tamaasa pineqarput.

4.2 Illumik piginnittoq pineqaraangat nunaminertamik tassa nalinginnaasumik nunaminertamik atugassinneqarsimasoq atuisinnaatitaasoq pineqartarpoq.

Illumik piginnittoq pillugu malittarisassami nassuiaat taamaalilluni Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi atuisinnaatitaasut taaneqarneranut naapertuuppoq.

4.3 Attartortoq pineqaraangat kinaluunniit illuutillip illutaanik illuutillilluunniit immikkoortuani attartortoq pineqartarpoq. Attartortuusooq suliffeqarfiusimappat, taamaappat Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-

imeersumi ingerlatsisutut taaneqarneranut naapertuutissaaq.

5 Illumik piginnittup pisussaaffii

5.1 Illumik piginnittup pisussaaffigaat qulakkiissallugu, illuutiminik attartortut anartarfiit imaannik isumaginninnissamut, inissiiinissamut eqqaanissamullu malittarisassanik malittarisassami matumani aalajangersarneqarsimasunik eqqortitsinissaat qulakkiissallugu.

6 Anartarfiit imaasa aniatinneqartarneri

6.1 Anartarfiit imaannik aniatitsinissaq sunaluunniit Sanarfinermut Avatangiisinullu Ingerlatsivimmiit akuersissutigineqaqqaassaaq.

6.2 Anartarfiit imaannik aniatitsineq sapinngisamik pisortat kuuffiitigut pissaaq

6.3 Anartarfiup imaannik katersuiviup imaannik imaarsineq Sanarfinermut Avatangiisinullu Ingerlatsiviup siunertamut tassunga toqqarsimasaanut kisimi pissaaq.

7 Kuuffinnut atassusiineq

7.1 Kuuffinnut aqquusiinissaq malittarisassiat malittarisassallu atuuttut naapertorlugit aammalu ineqarfimmik piginnittup akiligaanik aqquusiineq pisassaaq.

7.2 Kuuffinnut aqquusiineq naammassippat ineqarfiusumik pineqartumik piginnittup aqquusiinerup isumaginninnissamut qulakkiissavaa. Aserfallatsaaliuinerit pisariaqartut nammineq akiliinikkut pisassapput.

7.3 Aqquutip aserfallatsaaliuinerit piginnittup qulakkiinngippagu, sumiiffimmilu mingutsitsineqarsinnaammat, siumut peqqussuteqareernikkut kommunalbestyrelsip piginnittup akiligaanik suliaritissinnaavaa.

7.4 Illup eqqaani kuuffilersuisoqarpat ukioq ataaseq marlulluunniit ingerlanerini anartarfiit imaannik katersisarneq unitsinneqassaaq. Ingerlatsiviup isumaginninnissamut, anartarfiit imaannik katersisarnerup atorunnaarsinneqarnissaanut sivikinnerpaamik ukiunik marlunnik sioqqutsisumik illumik piginnittup ilisimatissallugit. Piffissaq nallerpat illumillu piginnittup kuuffinnut atassusiineq isumaginninnissamut anartarfiit imaarneqartarnissaat kommunip innersuussinera malillugu nammineq isumaginninnissamut.

7.5 Illumik piginnittup kuuffinnut atassusiinissamik isumaginninnissamut tamarmik anartarfimmik imaartakkamik katersuivimmilluunniit pilerneqassapput.

7.6 Anartarfiit, errortartarfiit il.il. kuuffinnut attavilerneqarsimasut anartarfilerinermuinnaq atorneqassapput.

8 Anartarfilerisarnerup aqqiissuunneqarnera

8.1 Illumik piginnittup kuuffinnut atassusiinissamut isumaginninnissamut kommunimit akuerisaasunik anartarfimmik imaartakkamik immikkut sipannitalimmik pilernissaq aserfallatsaaliinissarlu nammineq akilissavaat, assersuutigalugu GTO-p ilusiligaa imaluunniit kommunimit akuerisaasooq katersuivik imm. 9-mi allaaserineqartoq. Illumik piginnittup aamma pisussaaffigaa, kuuffissuarmut ataniigaanngitsuni illuutiminik attartortut aqqiissuteqarnissaanut ikiuutissalluni.

8.2 Anartarfiit puussiartallit imaarneqartarnerini puussiat kommunip tunniussai akuerisaaluunniit kisimik atorneqassapput. Anartarfiup puussiartaa minnerpaamik issussusissaa 150 µ-miissaaq, ataanilu katinera marloriaataassalluni. Anartarfiit imaartakkat kommunimit akuerisat kisimik atorneqassapput.

- 8.3 Anartarfiit imaartakkat puussiartaat sipannitaalu anartarfilerinermuinnaq eqqaaviussapput.
- 8.4 Anartarfimmik imaartagalimmik aamma kuuffimmut atanilernerqarsimanngitsumik illumik piginnittut kikkulluunniit anartarfilerisarnermut qasseriarlunilu aallertoqartassanersoq ilanngullugit nalunaarsorneqarsimassapput, qulakkiissallugulu aallerfiusartut akornanni anartarfiit puussiartaat sipanditaasaluunniit ulikkaarniinnerneqarsimannginnissaat. Taamatuttaaq imaartakkanik anartarfitalinnik illumik piginnittut qulakkiissallugu pisussaaffigaat, illumik attartortut anartarfiup imaarneqartarnissaanut ilanngussimanissaat, qasseriarlugulu imaarneqartarnissaata nalunaarutiginnissaa.
- 8.5 Illumik piginnittup pisussaaffigaa, anartarfilerisut isumaqatigiissuteqarfigissallugit anartarfiup puussiartaat/siparnitaa qerineq ajortumut anartarfilerisullu illumut iseqqaanngikkaluarlutik tioriaannaaffigisaannut inississallugu. Taamaattorli inissiamut matu ilorleq parnaarsinnaappat paarlermut inissinneqarsinnaavoq. Tamanna 2016-ip ingerlanerani atuutilersinneqassaaq, taamaalillunilu 2017-imi januaarip aallaqqaataani piumasaaqaatinngussaaq.
- 8.6 Puussiaq/siparni ullormi aallerfissami kingusinnerpaamik nal. 07:00 aallerfissatut isumaqatigiissutaasumut inissereerneqassaaq. Puussiaq atorneqarpat matulluarlugulu qilerluarneqassaaq. Illumik piginnittup isumagisassaraa, aallerfissatut inissiffissatut isumaqatigiissutaasup kuuttoorfiusimannginnissaa.
- 8.7 Illumik piginnittup pisussaaffigaa, inissiiffiusartup pitsaasuunissaa, saligaatsuutinnissaa pisariarqarpallu aputaajarsimanissaa/siorartersimanissaa.
- Puussiaq/siparni piffissami aallerfissami inissinneqarsimanngippat, puussiamik siparnimilluunniit nutaamik anartarfilerisoq ilisissanngilaq.
Matuma siulini taaneqartoq akiliummik utertitsisoqarnissaanut pissutissiissanngilaq.
- 8.8 Anartarfilerineq ulluinnarni nalinginnaasumik sapaatip akunneranut marloriarluni pingasoriarluniluunniit ingerlanneqartarpoq, piffissami nal 07:00-ip 14:30-illu akornanni. Ullut nalliuttut malittuinaatillugit katersineq aamma nalliuttuni pisinnaavoq.
- 8.9 Illumik piginnittoq/attartortoq Sanarfinermut Avatangiisinullu Ingerlatsiviup/entreprenørup isumaqatigiissuteqarfigineratigut imaarsisarnerup saniatigut allamik imaarsisitsinnaavoq. Puussiat ulikkaaqasut aallerfissatut isumaqatigiissutaasumut inissinneqassapput, imm. 8.5 innersuussutigalugu.
- 9 Tankit katersuiviit**
- 9.1 Illumik piginnittut kuuffinnut atassusiinissamut isumaginissimanngitsut kommunimit akuerisaasumik katersuivimmik pilernissartik aserfallatsaaliinissarlu nammineq akilissavaat, kommunimit akuerisaasoq katersuivik imm. 8-mi allaaserineqartoq. Illumik piginnittup aamma pisussaaffigaa, kuuffissuarmut atanilgaanngitsuni illuutiminik attartortut aaqqiissuteqarnissaannut ikiutissalluni.
- 9.2 Peqqinnissamut tunngatillugu imermik maangaannartumik tankit katersiffiit ussissuussapput qerrus-sinnaassanatillu, kalerrisaaruteqassapput imaluunniit qanoq imaqartigilerneru allatut nalunaarutigineqarsinnaassalluni, taamatuttaaq illuliornermut malittarisassianut avatangiisinullu tunngatillugu inatsisinut atuuttunut naapertuuttussaallutik.
- 9.3 Illumik piginnittup pisussaaffigaa, katersuivimmik pilinnginnermi najukkami katersuivinnik imaarsisarnermut periarfissat pillugit Sanarfinermut Avatangiisinullu Ingerlatsivimmuut paasiniaassalluni. Nutaamik ataniliinnermi slamsugerimut slangip attavianut ikkuffissaaq slamsugerip slangitaa ajornartorsiutitaqanngitsumik ikkussinnaanngorlugu ikkunneqassaaq.
- 9.4 Maqitsineq nunamut userartuinertaqanngitsumik ingerlanneqassaaq, aammalu ruujorit slangillu imaarlunneqassallutik. Illumik piginnittup pisussaaffigaa, katersuiviit eqqaata

assersorneqarsimanginnissaa, maqitsiviatalu nalaa kuuttoorfiusimanginnissaa.

9.5 Tasiilami, Kulusumi, Kuummiini Arsummilu tankit katersuviit pumpeqassapput.

9.6 Illumik piginnittup pisussaaffigaa, katersuviup nalaata pitsaasuunissaa, saligaatsuunissaa kiisalu aputaajarsimanissaa / siorartersimanissaa. Aammattaaq anartarfiup tankitaata ajornangitsumik imarneqarsinnaanissaa illuutillup qularnaassavaa.

9.7 Katersuivilernermi imaluunniit anartarfimmik kuutsittakkamik pilernermi uku innersuussutigineqarput:

- imermik atuinikitsumik kuutsittakkamik anartarfilernissaaq
- anartarfiup imermut atanilerneqarnera immikkut ruujorilerneqassasoq, taamaalilluni illup imermik pilersorneqarnera tamaat milinneqangikkaluarluni taanna milinneqarsinnaaqullugu
- magnetventili atorneqassasoq

9.8 Katersuivimmik pisariaqarpallu pumpissaanik, innaallagissamut atanilernissaanut ikkuffilernissaanut, pisariaqarpallu pumpip aserfallatsaalinissaanut ingerlatsinermullu imaluunniit innaallagissamik atuinerneq aningaasartuutit illumik piginnittup akilissavai.

9.9 Katersuviup il.il. aserfallatsaaliornera piginnittup qulakkiingippagu, sumiiffimmilu mingutsitsineqarsinnaammat, siumut peqqussuteqareernikkut kommunalbestyrelsi piginnittup akiligaanik suliaritissinnaavaa.

katersuivik anartarfilerinermuinnaaq kisimi atorneqassaaq.

Katersuivimmik imaarsineq

9.10 Katersuivittalimmik illumik piginnittup kikkulluunniit pisussaapput, kommunip namminersortulluunniit anartaajaavilerinermik aaqqissuussaannut nalunaarsugaassallutik. Aammattaaq imaartakkanik anartarfitalimmik illumik piginnittup qulakkeertussaavaat, illuutimini attartortuusut imaarsisarnermut aaqqissuussamut nalunaarsorsimanissaat.

9.11 Tankinik katersiffiusunik imaarsisarneq ima akulikitsigissaaq, ulikkaartoornikkut nunamut kuuttoornissaa pinngitsoortinneqarluni.

10 Akiliut

10.1 Aaqqissuussinermut aalajangersakkanut aningaasartuutit matussutissaannik illumik piginnittup attartortullu akiliisussaataapput. Akiliutissat illuutilimmuut attartortumulluunniit anartarfinnik imaarsisarnermut nalunaarsimasumut akiligassanngortinneqartassapput.

10.2 Akiliutip annertussusissaa Kommunalbestyrelsimit ukiumut ataasiarlugu aalajangersarneqartarpoq. Akiliutip annertussusissaa Sanarfinermut Avatangiisinullu Ingerlatsiviup sumiiffimmi nalunaarutigisarpaa. Akiliutissap annertussusaa akigititani nalunaarsugaavoq, taannalu kommunip nittartagaani aaneqarsinnaavoq imaluunniit Sanarfinermut Avatangiisinullu Ingerlatsivimmuut saaffiginninnikkut noqqaassutigineqarsinnaalluni.

10.3 Nunaqarfinni tunngaviummik akiliummi ilaapput, eqqagassalerinermut anartarfilerinermullu inoqutigiiit nalinginnaasumik atuinerisa nalinginut aningaasartuutit. Anartarfilerinermut tunngatillugu inoqutigiiinnut nalinginnaasumik atuinerup nalgaa, puussiaq ataaseq imaluunniit spandi ataaseq sapaatillu akunneranut aallererit maluk pingasulluunniit imaluunniit katersuviup imaata 1000 L-ip nalinga sapaatip akunneranut ataasiarlugu imarneqartarpoq. Eqqagassanik pilersitsisut anartarfiit imarneqartarneranit annertunerusumik pisariaqartitsigunik saniatigut imarneqartarnissaanut nalunaarsorsimassapput, tunngaviatigullu akiliut ataasiarnertulli akilerlugu. Ataasiarneq ima paasineqassaaq, puussiaq ataaseq imaluunniit spandi ataaseq sapaatip akunneranut marloriarlugu

pingasoriarluguluunnit imaarneqarnera.

- 10.4 Illumik piginnittut illumilluunnit attartortuusut katersuiviit imaarneqartarnerannut namminersortunut nalunaarsugaasut imaarsinermut akiliut suliffeqarfimmut toqqaannartumik akilissavaat.
- 10.5 Illumik piginnittut illumilluunnit attartortuusut allamut nuunnerminni anartarfiit imaarneqartarnerannik unitsitsillutik nalunaarutigissavaat, illullu nuuffigisap anartarfiata imaarneqartarnissaanut nalunaaruteqarlutik. Illumi najugalik illumi najugaqartutut inuit allattorsimaffianni nalunaarsorsimanini tamaat imaluunnit suliffeqarfik paaqqinnifilluunnit illumi pineqartumi najugaqartutut Kalaallit Nunaanni Inuussutissarsiummik Ingerlataqartunik Nalunaarsuiffimmi nalunaarsorsimanini tamaat aallertitsisarnermut akiliut tunngaviusumilluunnit akiliut akilertussaavaa.
- 10.6 Illu najugaqarfittut inuutissarsiorfittulluunnit il.il. atorneqarnera inoqannginneraluunnit apeqqaatinnagu kuuffinnik ingerlatsinermut, katersuivimmut imaluunnit anartarfilerinermut tunngaviusumik akiliut akilerneqassaaq.
- 10.7 Qaammatit pingasukkuutaarlugit akiliisoqartarpoq. Taamaattorli ullormi aaqqissuussamut nalunaarutigineqarneraniit akiliut akilerneqaaqassaaq, soorlu aamma taamaatitsilluni ullormi nalunaarutigineqarfiata tungaannaanut akilersorneqartussaasoq.

Allamut nuunnermut atatillugu Sanarfinermut Avatangiisinullu Ingerlatsivik taamaatitsinermik tigusaqanngippat, illumik piginnittoq imaluunnit attartortuusooq illumik piginnittup imaluunnit attartortuusup allap nalunaarnissaata tungaanut eqqaavilerinermut akiliummik akiliinissaminut pisussaavoq, taamaanngippat Ingerlatsiviup eqqakkanut aaqqiissut taamaatissammagu.

11 Nakkutillineq

- 11.1 Malittarisassami aalajangersakkat eqqutitinneqarnissaat Kommuneqarfik Sermersuup nakkutigisarissavaa.
- 11.2 Illumik piginnittoq ineqarfimilluunnit piginnittoq kinaluunnit Kommuneqarfik Sermersuup nakkutilliusuisa ineqarfimmut isernissaannut akuersinissaminut pisussaavoq, tassunga ilanngullugit anartarfiit tankillu katersiffiusut aammalu iginneqavinniginnerini tankinit katersiffiusunit anartarfilerinerup suliarineqarnerisa takutinnissaat.
- 11.3 Malittarisassami uani aalajangersakkat akerlianik arlaannik paasinnittoqassappat, Kommuneqarfik Sermersooq piffissaliussap iluani pissutsit malittarisassanut naapertuutsilerlugit iluarsineqarnissaannut peqqussuteqarsinnaavoq.
- 11.4 Pissutsit piffissaliussap iluani iluarsineqanngippata, Kommuneqarfik Sermersuup akisussaaffilimmut akiligassanngorlugit iliuusissat suliaritissinnaavai.
- 11.5 Annertuumik mingutsitsineq pinngitsoortinniarlugu imaluunnit taassuma siaruarnissaa pinngitsoortinniarlugu piaarnerpaamik qanoq iliuuseqarnissaaq pisariaqarpat, kommunalbestyrelse peqqussuteqaqqaaranii akisussaasumullu akiligassanngorlugit iliuusissat pisariaqartut isumagineqassapput. Taamatut iliuuseqapallanneq allaganngorlugit aalajangiinermik tamatigut malitseqartassaaq, Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi §58 innersuussutigalugu.

12 Unioqqutitsineq

Malittarisassamik uannga unioqqutitsineq akiligassiinermik kinguneqassaaq, Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-meersumi §49 aamma Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 66 innersuussutigalugit

13 Naammagittaalliorneq.

- 13.1 Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi malittarisassat naapertorlugit, malittarisassami aalajangersakkat malillugit aalajangiussat aammalu taakku naapertorlugit aalajangiunneqarsimasut naammagittaalliutigineqarsinnaapput.
- 13.2 Malittarisassaq taassumalu atortinneqarnera pillugu saaffiginnissutit naammagittaalliutillu Kommunalbestyrelsimut suliami aalajangiisussaataasumut ingerlatinneqassapput.
- 13.3 Avatangiisit innarlitsaaliorneqarnissaat pillugu Kommunalbestyrelsip aalajangiineri Naammagittaalliuteqartarfimmut suliassanngortinneqarsinnaapput, c/o Ataatsimoorussamik Allatseqarfik, Imaneq 27, 1. sal, Postboks 689, 3900 Nuuk. Kommunalbestyrelsip aalajangiinerminik naammagittaalliuteqartumut nalunaaruteqarneraniit sapaatip-akunneri arfinillit naammagittaalliuteqarnissamut piffissaritinneqarput.
- 13.4 Aalajangiinerup nalunaarutigineqarneraniit sapaatit akunneri arfinillit naammagittaalliuteqarnissamut piffissaritinneqarput. Naammagittaalliorneq naammagittaalliortarfiup aalajangiinissaata tungaanut, imaluunniit naammagittaalliortarfiup allamik aalajangiinissaata tungaanut suliat uninngatinneqassapput.
- 13.5 Pisut immikkut ittut pissutissiippata Kommunalbestyrelse aalajangiisinnaavoq, tamanna naammagittaalliuteqartoqaraluartorluunniit malinneqassasoq.
- 13.6 Imm. 11.3 naapertorlugu aalajangigaaq maalaarutigineqaraluartorluunniit peqqusineq imaluunniit inerteqquteqarneq Naammagittaalliuteqartarfiup allamik aalajangiinissaata tungaanut malinneqassaaq.

14 Piginnaatitsissut

- 14.1 Kommuneqarfik Sermersumi kommunalbestyrelsip malittarisassamik uannga aalajangiussinermigut Sanarfinermut Avatangiisinullu Ingerlatsivik malittarisassami uani imm. 4, 5, 6, 7, 8 aamma 9-mi annertuallaanngitsunik allannguuteqartitsisinnaaneraniik aammalu malittarisassami ilanngussaq 1-imi allannguuteqartitsisinnaaneraniik piginnaaffilerpaa.
- 14.2 Aammattaaq Kommuneqarfik Sermersuumi kommunalbestyrelsip Sanarfinermut Avatangiisinullu Ingerlatsivik malittarisassaq una malillugu aalajangiisarnissaanik piginnaaffilerpaa.

15 Atortuulersinnera

- 15.1 Malittarisassap uuma atuutileraneranut peqatigitillugu Kommuneqarfik Sermersuumut anartarfilerinermut malittarisassaq 2009-meersoq atorunnaarsinneqarpoq.
- 15.2 Malittarisassaq atulersinneqarpoq, ulloq xx. xxxxx xxxx.
- 15.3 Taamaalilluni Kommuneqarfik Sermersuumi kommunalbestyrelsimit akuerineqarpoq, ulloq xx. xxxxx xxxx